

COOPERATIVISMO NO ENSINO 2014

A Consellería de Traballo e Benestar convoca o Certame Cooperativismo no Ensino co obxecto de difundir e promover o cooperativismo entre o alumnado e profesorado, impulsando a realización de actividades de fomento do cooperativismo nos centros educativos, que potencien os valores e principios que inspiran o cooperativismo, tales como a solidariedade, o espírito democrático, a participación, a actuación colectiva ou a solución de conflitos de forma pactada.

Co obxecto de facilitar a realización de actividades, os centros poderán participar no **Programa Cooperamos**. As características e condicións de participación poderanse consultar na páxina web:

<http://www.cooperativasdegalicia.com/educacion/index.htm>

Destinatarios

Poden participar no certame o alumnado e profesorado dos centros educativos de educación infantil, primaria, secundaria obrigatoria e de formación profesional, segundo as modalidades e nos termos previstos nas bases.

Modalidade de debuxo, pintura, fotografía e/ou vídeo

O alumnado dos centros de infantil e primaria nos que se realizasen actividades de fomento e divulgación do cooperativismo poderán presentar a este concurso os debuxos, pinturas, fotografías e/ou vídeos, realizados por eles, segundo as seguintes categorías:

- A: alumnos/as de 2º ciclo de educación infantil.
- B: alumnos/as de 1º e 2º de educación primaria.
- C: alumnos/as de 3º e 4º de educación primaria.
- D: alumnos/as de 5º e 6º de educación primaria.

En cada traballo deberán participar como mínimo tres alumnos/as e como máximo non se poderá superar o número de estudantes pertencentes a unha mesma aula.

As condicións técnicas dos traballos poderanse consultar na web www.cooperativasdegalicia.coop ou na orde publicada no DOG nº 35 do 20 de febreiro de 2014.

Premios

- Un premio ao mellor traballo de cada categoría: materiais de debuxo e pintura, audiovisual ou informático, por un valor de 2.200 €.
- Un accésit por cada categoría: materiais de debuxo e pintura, audiovisual ou informático, por un valor de 1.200 €.

Modalidade de Actividades Cooperativizadas

O alumnado dos centros de educación secundaria obrigatoria nos que se realizasen actividades de fomento e divulgación do cooperativismo poderán presentar a este concurso as memorias dos traballos realizados cooperativamente por grupos de alumnos/as, tales como: unha viaxe de ampliación de estudos, un festival de fin de curso, un campionato deportivo, un xornal, unha páxina web, un programa de radio ou unha obra de teatro, segundo as seguintes categorías:

E: alumnos/as do primeiro ciclo da E.S.O.

F: alumnos/as do segundo ciclo da E.S.O.

En cada traballo deberán participar como mínimo tres alumnos/as e como máximo non se poderá superar o número de estudantes pertencentes a unha mesma aula.

A memoria dos traballos realizados describirá o proceso de elaboración da actividade. O contido mínimo da memoria poderase consultar na web www.cooperativasdegalicia.coop ou na orde publicada no DOG nº 35 do 20 de febreiro de 2014.

Premios:

- Un premio ao mellor traballo por categoría: material audiovisual ou informático, por un valor de 2.200 €.

Modalidade de Concurso de Proxectos Empresariais Cooperativos

O alumnado e profesorado dos centros educativos que impartan formación profesional específica e nos que se realizasen actividades de fomento e divulgación do cooperativismo poderán presentar a este concurso os proxectos empresariais cooperativos.

Os proxectos deberán desenvolver o proceso completo de posta en marcha dun proxecto empresarial, baixo a fórmula cooperativa, orixinal, coherente e viable economicamente.

Os proxectos deberán estar redactados en galego e presentaranse en formato papel e formato electrónico que permita a súa posterior publicación, acompañados obrigatoriamente dunha ficha resumo segundo o modelo que pode obterse na web www.cooperativasdegalicia.coop

Na elaboración de cada proxecto deberán participar como mínimo tres alumnos/as, que deberán estar dirixidos por un profesor/a - director/a.

Premios:

- Un premio de 5.000 euros ao mellor traballo. O pago do premio requirirá a presentación dunha memoria das xestións realizadas para a posta en marcha do proxecto.
- Material audiovisual ou informático para o profesor/a- director/a do proxecto finalista, por un importe máximo de 1.200 €.

Dous accésit aos proxectos finalistas dotados con 1.500 € e 500 € en material audiovisual ou informático para cada un dos profesores/as - directores/as.

Outorgamento de premios

Os premios serán propostos polos tribunais que poderán propoñer que se declaren desertos ou conceder premios compartidos. O tribunal valorará nos traballos a orixinalidade e a representación dos valores e actitudes que fomenta o cooperativismo.

Para a modalidade de actividades cooperativizadas terase en conta o número de persoas participantes, a orixinalidade do tema elixido, a organización do grupo para a realización do traballo de maneira cooperativa e a calidade final do traballo realizado.

Para a modalidade de proxectos empresariais cooperativos terase en conta a coherencia, a orixinalidade e a viabilidade económica dos proxectos empresariais cooperativos, así como a súa relación coa contorna onde se desenvolven.

Presentación e prazos

Os traballos dos alumnos/as debidamente identificados deberán entregarse na Dirección Xeral de Traballo e Economía Social (Consellería de Traballo e Benestar, edificios administrativos de San Lázaro, 15781 Santiago de Compostela), xunto coa correspondente solicitude de participación que deberá especificar a modalidade e, no seu caso, categoría á que se presenta.

O prazo de presentación das solicitudes e dos traballos rematará o 15 de maio de 2014.

As bases reguladoras da convocatoria pódense consultar na web <http://www.cooperativasdegalicia.com/educacion/concursos.htm> e no Diario Oficial de Galicia número 35, publicado o día 20 de febreiro de 2014.

Máis información
www.cooperativasdegalicia.coop
Consello Galego de Cooperativas 881 999 268